



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 9. De fuga in Aegyptum.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

ptatibus renunciant, carnem suam mortificāt,  
& sanctis diuini seruitij officijs se occupant.



MEDITATIO IX.  
DE FUGA IN AEGY-  
PTVM.

PVNCTA MEDITATIONIS.

- I. *Herodes volens Iesum interficere, multos pueros occidi curauit.* Matt. 2.
- II. *Ioseph nocte cum puero & matre in Aegyptum fugit, ibique haesit, vsque ad obitum Herodis.*
- III. *Quo defuncto monuit denuo Iosephum Angelus, vt rediret in Iudaeam. Sed audito Archelaum ibi regnare, secessit in Nazareth. Vnde Nazareus dictus est.*

FIGVRÆ.

1. **I**acob persecutionem passus ab Esau, fugit, & peregrinatum abiit in Mesopotamiam, donec furor & indignatio fratris sui requiesceret. Gen. 27.
2. **M**oyse, à Pharaone ad cedere quæsitus, fugit in terram Madian. Pharaon timens Hebræos mandauit obstetricibus, vt omnes infantes masculos Hebræorū Exod. 1. mox post partum interficerent.

B 3

3. At

4. Reg. II. 3. At talia ex cupiditate regnandi curavit occidi omnes filios stirpis regie; solus autem Ioas minor filius regis, saluus euasit, quem Iosaba soror regis absconderat, usque ad annum ætatis septimum.

Exod. 4. 4. Dixit Dominus ad Moysen. Vade & reuertere in Aegyptum, mortui enim sunt omnes, qui quærebant animam tuam.

---

PROPHETIÆ.

Esa. 19. 1. **E**Cce Dominus ascendet super nubem leuem, & ingreditur Aegyptum, & commouebuntur simulachra Aegypti à facie eius.

Esa. 29. 2. Et cognoscetur Dominus ab Aegypto, & cognoscent Aegyptij domum in die illa.

Hier. 31. 3. Vox in excelsis audita est lamentationis, luctus & fletus Rachel, plorantis filios suos, & nolentis consolari super eos, quia non sunt.

Ose. II. 4. Ex Aegypto vocaui filium meum.

---

DOCUMENTA.

1. **I**OSEPH monitus ab Angelo de fuga in Aegyptum, licet res adhuc longius abesset à periculo, mox nulla interposita mora nocte surrexit, & cum Matre ac puero in viam se dedit. Quo in facto religiosi præclarum

rum

rum exemplum habent & promptitudinis, quam debent ostendere in perficiendis Superiorum suorum mandatis, & simplicitatis iudicij, ne velint se occupare in dijudicanda superiorum voluntate, recte ne, an secus, hoc vel illud mandarint.

2. Christus simulatque natus est cœpit pati persecutiones & exilia. Vnde discimus, nos convenienter dicto sapientis, ab initio vitæ nostræ debere paratos esse ad tentationem; nec turbari, si quando variis afflictionibus agitemur; scientes inseparabilem virtutum comitem esse tribulationes.

*Ecccl. 2.*

3. Christus ab Herode persecutus fugit in Aegyptum, vt daret nobis exemplum non resistendi persecutionibus, aut vindictam de ijs sumendi: Debemus enim potius eorū persecutiones patienter tolerare; & furori eorum cedere, imò pro eis; vt nos Christus ipse docuit orare.

4. Christus caput nostrum & pastor fugit persecutiones Herodis, non quod timeret, sed vt exemplum Prælati & Pastoribus daret fugiendi persecutiones, si quando eorum salus est Ecclesiæ necessaria, & subditi ex eorum absentia nullum patiantur detrimentum; id enim & Dominus ipse Apostolis consuluit.

5. Fuga quoque Christi in Aegyptum significat quemadmodum homo iustus à periculo peccati, confugere debeat ad statum penitentiae, in quo perseuerandum ei est vsque ad obitum Herodis, hoc est, donec cessent impugnationes inimici, & affectus animi sint mortificati.

*Matt. 10.*

6. Christus ab exordio vitæ vsque ad mortem continenter passus est persecutiones, sic Christianus, qui vult imitari Christum, cogitare

*Iob. 7.*  
*1. Tim. 3.* tare debet, totam vitam suam debere esse cōtinuam tentationem, secundū dictum patientissimi Iob. *Tentatio est vita hominis super terram.* Et Apostoli. *Omnes, qui piē viuere volunt in Christo Iesu persecutionem patientur.*

7. Qui opere vel consilio conantur impedire aliquod bonum opus, similes sunt Ægyptijs, qui curarunt occidi omnes infantes populi Israelitici, imò cum Herode persequuntur, Christum vt eum occidant in ipsa natiuitate,  
8. Ioseph ex Ægypto reuersus in terram Israhel, etiamsi sciret Deum esse protectorem pueri Iesu, nec quenquam posse ei nocere, tamen metu Archelai Herodis filij, noluit redire in Iudæam. Vnde discimus homines iustos, quantumuis sanctos, & de sua in virtute cōstantia & salute securos, non debere se obijcere periculis, & Deum tentare, sed debere fugere omnes occasiones, quæ eos in periculum peccati aliamve tentationem conijcere possent.



MEDITATIO X.  
DE INVENTIONE PV-  
ERI IN TEMPLO.

PVNCTA MEDITATIONIS.

I. *Iesus annorum 12. profectus est Ierosolymam: cum parentibus secundum consuetudinem festi.*

Reman-